

291

月
令
解

月

日

年

月令解

四庫全書珍本初集

禮經

類部

商務印書館受教育
部中央圖書館籌備
處委託景印故宮博
物院所藏文淵閣本

詳校官監察御史臣龔驂文

給事中臣溫常綬覆勘

欽定四庫全書

經部四

月令解

禮類三 禮記之屬

提要

臣等謹案月令解十二卷宋張處撰處慈溪人慶元丙辰進士官至國子祭酒是編乃處端平初入侍讀幄時以纂未及竟以病歸家居時乃續完之表進於朝十二月各自為卷奏稱每一月改則令以此一月進于御前可

以裁成天地之道輔相天地之宜雖未免過
膠古義不盡可見施行然辭義曉暢於順時
出政之際皆三致意焉其用心有足取者月
令于劉向別錄屬明堂陰陽記當即漢書藝
文志所云古明堂之遺事在明堂陰陽三十
篇之內者呂氏春秋錄以分冠十二紀馬融
賈逵蔡邕王肅孔晁張華皆以為周公作鄭
康成高誘以為即不韋作論者據漢百官表

言太尉為秦官或又據國語晉有元尉與尉
之文謂尉之名不必起於秦然究不得因元
尉與尉遂斷三代必有太尉也意不韋採記
舊文或傳益以秦制歟今考其書古帝王法
政施令之大端皆彰彰具存得其意而變通
之未嘗非通經適用之一助至其言誤某令
則致某災殆因洪範庶徵而推衍之遂為漢
儒陰陽五行之濫觴處解皆未能駁正然列

在禮經相沿已久亦不能獨為處咎也原書因隨月進御故凡解見孟月者仲月季月皆重見永樂大典所載合為一編多刪其複于例為協間有刪之不盡者今併汰除以歸畫一焉乾隆四十六年九月恭校上

總纂官

臣紀昀

臣陸錫熊

臣孫士毅

總校官

臣陸

費

墀

進月令解表

臣虞言臣竊以後天而奉天時雖夙參於造化按月以觀月令實肇見於聖明矧臨萬務之繁欲極羣書之博惟拔尋於要領庶頤愛於精神

臣

惶懼惶懼頓首頓首

考呂氏春秋之書承周末聖賢之論紀分十二井然彙列之條歲盡一周絜若環循之次雜之於禮附以爲經漢相奏之固嘗表采唐宗定此亦就刊刪雖號鉤深於斯文未知區別於令序曷若以孟仲季析爲寒暑之期

於朔望弦占作旦昏之候所謂舉目皆可見若欲銳情
又何加凡饜飫使自得之非睿知孰能與此茲蓋恭遇
皇帝陛下心存兢業學務雍熙藝圃覽游澹若耆書之
樂經幃訪問淵乎耆古之懷方當省歲以有為因聽負
暄之入獻取諸儒共集之典釐每卷各立之門會析木
會元枵隨所舍而改中夾鍾中太族視其律以更據往
知今自我作古嚴恭寅畏外此何求輔相裁成由茲而
出執而論厯殊史家黑白之分寫以為圖笑巧匠丹青

之象其月令解十二卷繕寫成十二冊謹隨表上進以
聞臣惶懼惶懼頓首頓首謹言

奏月令解劄子

臣昨者叨侍經筵適講月令秋之三月嘗與侍讀鍾震言欲待月令終篇以十二月分爲十二卷書之納於禁中時當此月陛下則以此月一卷觀覽凡一月之中陰陽消長之運星夜出入之躔氣序之遷改景物之多易與夫園林草木之華盛鳥獸蟲魚之生育田舍耕耘之節婦子蠶桑之期歷歷具載使置之座側又切於崔寔之政論置之几案何減乎魏徵之諫疏其於贊化爲益

多矣既而以病予告有志不成緣臣身則病矣而眼猶能觀故書心猶能記舊事於是以秋三月已成之說上接乎春夏下逮夫季冬一一為之解釋通前為十二卷陛下或許以投進即當涓日備錄裝褫送上每一月改則令以此一月進於御前陛下展卷時時玩之或謂智本天賜聰本天生一覽無遺成誦在心何假纂集之為不知此非為記問設也惟欲於宮中無事清閒之燕舉目在前而已昔有談脩養之術者欲書月令置左右如

冬夏至宜謹嗜欲之類庶得自警謂陛下守此則可以
裁成天地之道可以輔相天地之宜豈為脩養之術哉
臣不勝惓惓

膳錄監生臣尹大謙

膳錄副貢生臣杭光晉

膳錄監生臣任溥

膳錄監生臣黃鐘

欽定四庫全書

月令解卷一

宋 張處 撰

孟春之月

孟春者斗建寅之辰也漢志云引達於寅則寅引也

夏正爲正月

日在營室

正月之中三統歷云日在室十四度元嘉歷云日在室一度疏謂月令據其大畧不細與歷同日與斗建